

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر
اعلانانک بهرندن بر مجیدیه اخذ
ایدیلور

نسخه سی ۴۰ پاره در

تجدید محاکمات

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولتور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه به متعلقدر

تجلیات

وظائف مودوعه لرینی حسن ایضا ایتکده
اولمیرینه مبنی آیدین ولایتی مرکز بدایت محکمه سی
حقوق دائره سی رئیس رفعتلو مصطفی شریف
ومناسیر ولایتی تجارت محکمه سی باش کاتبی رفعتلو
اسعد افندیله رتبه ثالثه توجیه بیورلمشدر.

تجلیات و تحولات

لغظه قضایی بدایت محکمه سی اعضا لغنه دعوی
وکیللرندن یواناکی افندی تعیین اولنمشدر.

تبلیغات

عدلیه نظارت مبلد سنده ولایات شاهانه استیناف
مدعی عمومی بطریق نظمیر فلانیه تحریرات عمومی
صورتیدر:

قصبه داخلنده تجارتله متوغل اولوب بلا سندن
تصرفلرینه کچن اراضی بی آخره ایجار ایدره رک
بالواسطه زراعتله اون سنه مرورنده اراضی قانوننامه
هایوننک یتیم سکرنجی ماده سی حکمنه توفیقاً حق
قرار ادعاسیله سندن اخذی ایچون مراجعت ایدنلر
حقنده اولنه جق معامله نك استیضاحی حاوی دفتر خاقانی
نظارت جلیله سندن بالورود شورای دولته حواله
بیوریلان تذکره اوزرینه دوائر عائد سیله بعدالخا بره
تنظیمات دائره سندن اعطا و مجلس مخصوص وکلاده
مطالعه اولنان مضبوطه ده سالف الذکر ماده قانونیه
حکمنجه حق قرارک ثبوتی اراضی امیریه وموقوفه نك
بلا نزاع اون سنه زراعت وتصرفیه مشروط ومقید
اولوب بلا سندن عهده تصرفلرینه کچمش اولان
اراضی بی آخره بالایجار اون سنه مرورنندن صوکره حق
قراردن سند اعطاسی مطالبه سنده بولنانلرک عقد ایجارک
اسباب تملکیده دن اولسنه نظراً شو مساعده قانونیه دن

استفاده ایدمه جکری درکار وبوباده برکونه ادعاسی
بولنانلر محکمه به مراجعتده مختار اولوب ایشک
اراضی به جهت تعلق حسبیله بومثللو دعاوینک محاکم
نظامیه ده رؤیتی اقتضا ایدمه جکی کوسترلیدی ودرمیان
اولنان اسباب ومطالعات موافق نظام کورلمش
اولدیغندن ایفای مقتضاسنک نظارت مشار الیه
حواله سی ومقام سامی مشیخته دخی معلومات اعطاسی
بالتذکر ایجابی اجرا قلنمش اولدینی بیانیله اکا کوره
اقتضاسنک ایفاسی ۲۸ ربیع الاول سنه ۳۲۶ تاریخ
و ۱۶ نومرولی تذکره سامیه صادر تپناهیده
اشعار بیورلمش ودائرة مأموریتلری داخلنده بولنان
محاکمه لاجل التبلیغ اشبو تحریراتک نسخ مطبوعه
کافیه سی لفاً ارسال قلنمش اولمغله اجرای ایجابی
سیاقنده شقه ترقیم قلندی.

محاکمات و مقررات

محکمه تمیز حقوق دائره سندن تنظیم واعطا
اولنان اعلامدر:

قلعه سلطانیه سنجانی سواری ژاندارمه اونباشیلرندن
احمد اغا ایله محل مذکورده ساکن موجبی اوغلی
صندالجی علی اغا بینلرنده متحدث دعوایه
دائر لواء مزبور بدایت محکمه سندن ۴ تشرین اول
سنه ۳۲۲ تاریخی و ۴۱ عددی ایله ویریلان اعلام
مرقوم احمد اغا طرفندن تمیز ایدلمکله اعلام مذکور
طرفینک اعتراض وجواب لایحه لرله برابر بالمطالعه
تدقیقات تمیزیه اجراسنه ابتدار قلندی.

اعلام مذکورک خلاصه مالی مرقوم علی اغانک
باسند خاقانی متصرف اولدینی خانه سی مشتملاتندن
اولان باغچه وقیو محلی مرقوم احمد اغا مشترک ظنیله
کندو خانه سی دیوارندن محل مذکور برقیو ونجیره
کشاد واول خذادن کذلک دیوارینه ملاصق اولمق
اوزره مجدداً برابجا انشا ایتک صورتیه فضولی
مداخله ایتکده اولدیغندن بختله مداخله سنک منعیه

کشاد ایتش اولدینی مذکور قیو ونجیره نك سیدنی
وباجانک هدمنی طلب ودعوی ایتسی اوزرینه
محکمه جه اولان غیاباً واعتراض علی الحکم اوزرینه
وجاهاً جریان ایدن محاکمه وکشف وتدقیقات نتیجه سنده
مدعابه باغچه وقیو محلی باسند خاقانی مدعینک عهده
تصرفنده بولنان خانه نك مشتملاتندن اولدینی حاله
مدعی علیه ک محل مذکور برقیو ونجیره وباجا
کشاد وانشا ایتک صورتیه فضولی مداخله ایتدیکی
تحقق ایتسنه وانشا اولنان باجانک قیمتی ارضک
قیمتندن زیاده اولدینی جهته هدمی لازم کلیوب انجق
محل مذکورک مدعی علیه طرفندن بدلی اعطا اولنه رق
عرصیه تصرف ایتسی لزومی تذکر ومدعی مرقومه
تفهیم اولندقدمه مذکور باجا یرینک بدلی مدعی علیه
مرقومه ترک وتبرع ایتدیکی سویلش اولمغله مذکور
باجانک ابقاسیله خذاسندن تحت پرده کشیده سنه
ومذکور قیو ونجیره مدعی علیه وقوع بولان
مداخله سنک منعنه حکمدن ومستدعی تمیز احمد اغانک
اشبو حکم علیه نه لایحه سنده محرر اعتراضاتی
مذکور خانیه مدعینک پدرندن آلدینی جهته حدودک
برطرفی پدیرینک نامنه مقید اولدینی واشترا ایلدیکی
خانه ایله برابر منازع فیه باغچه وقیو محلی دخی اشترا
اولدیغنی وقیوسز وباغچه سز خانه آلنه میه جنی درکار
ایکن بوجهتله حواله سمع اعتبار ایدلماسی
وطرفینک انتخاب ایتدکاری اهل خبره لک اسملری
قید وضبط اولمق مقتضی اولدینی حاله ویریلان
راپورده مدعی علیه ک اهل خبره لری اسملرینک
قید وضبط اولنماسی ومدعی علیه ک اهل خبره لرینک
هنوز محله ده تمکن ایتش اولمیرینه کوره بونلر اهل
خبره دن اوله مزملر ایکن محکمه جه اخبار وشهادت لرینک
قبول ایدلمسی وکشف راپورینک علی الاصول طرفینه
تبلیغ ایدلماسی و ویریلان حکمده بر ماده قانونیه
استناد اولنماسی ومذکور کشف راپورنده قطعی
صورتده طرفینک له وعلیه نه برشی دیناماشن ایکن
اکا بنای حکم ایدلمسی مغایر قانون اولدیغندن بختله
اعلامک نقضی ولایحه جوابیه مؤداسی دخی سرد

اولان اعتراضات غیر وارد اولدینی بیانیه ردی و موافق اصول و قانون اولان اعلام مذکورک تصدیق استدعاسندن عبارت بولنشدن .

ایجابی مذاکره اولندقد اعلام مذکور مآلندن اکلاشلدینی اوزره منازع فیه خانهک حین فراغده فارغ طرفندن قبو وطریق اراهه ایدیلرک فراغ اولوب اولنادینک تدقیقه حاصل اوله جق نتیجه کوره حکم ایدلک لازم کورایکن بوجهک مسکوت عنه براغلمسی مغایر قانون اولدیندن اصول محاکمه حقوقیه قانونک ایکویز اونوز ایکنجی مادهسی موجبجه اعلام مذکورک تقضیه قانون مذکورک ایکویز قرق دردنجی مادهسک فقره اولاسی حکمنه توفیقاً کفیتک صورت محرره دائرهسند تکرار بالرؤیه اعلامه ربطی ضمنتده محکمه مذکوریه اعادهسنة ۲۰ شباط سنه ۳۲۳ تاریخده متفقاً قرار ویرلدی .

عنانک خانهسی قوسنک کلیدی قیرمق و قالوصک دکانی دیواری دلك صورتلریله اشیا لری اخذ و سرقه ایتدکری ادا اولنمندن دولای جنایتله اتهام اولنان اساعیلک اوج سنه مدته کورکه قولنسه و ولی احمدک برائنه دائر قوزان سنجانی بدایت محکمهسی جزا دائرهسندن ویرلان ۱۸۲ نومرولی اعلام

حبیب و ابراهیمه معامله جبر و شدت اجراسیله کیلیری سرقه ایتدکری ادا اولنمندن دولای جنایتله اتهام اولنان احمدک درت سنه مدته کورکه قولنسه و حسین الصدیق و اساعیل الصدیق و علینک برائترینه دائر طرابلس شام سنجانی بدایت محکمهسی جزا دائرهسندن ویرلان ۶۴ نومرولی اعلام

حسینک تقود و اشیا سی اخذ و سرقه ایتدکری ادا اولنمندن دولای جنایتله اتهام اولنان حسنک حبسخانهده وقوع و قاتیله حقوق عمومیه دعواسنک سقوطنه و محمدک اوج سنه مدته کورکه قولنسه و صالح و حسینک برائترینه دائر توقاد سنجانی بدایت محکمهسی جزا دائرهسندن ویرلان ۴۹۸ نومرولی اعلام محکمه تمیز جزا دائرهسندجه تصدیق قلمشدر .

نومرولی نسخهده مندرج درسعادت

جنایت محکمهسی اعلامنک مابعدی :

لسان ترجمانی و ساططیه مدعیه ردوتیا دخی زوجی متهم یورکی ایله منازعه ایدرک برمدت طارغین بولندقلری و منازعه لرندن برهفته مقدم برلکده والدهسک خانهسنة کیتدیکنی و متهم یورکی ایله ایکی

سنه مقدم تأهل ایتدیکنی و کندوسی استانبولده تولد ایلدیکنی تذکار ایلدی .

مدعی عمومیلک مقامندن معطی شهود بوصلهسندده اسامیسی محرر اولوب دعوت واقعهیه اتباعاً ورود ایتدکری خبر ویرلان اشخاص برر برر حضور محکمهیه چیقاریله رق لدی السؤال طرفینه قرابت و مناسبت و خصوصتلی اولمادینقی سوللریله علی الاصول امر تحلیفلی بعد الاجرا مفرداً و مواجهه استماع اولندقلرنده بولرندن بک اوغلنده امین جامع شریفنده قره غول جوارنده ۱۸ نومرولی خانهده اقامته باباس کورپرسند ترزبک ایتدیکنی افاده ایدن یکرمی ایکی یاشنده آستانه لی آندرقو ولدنقولی لسان ترکی به غیرواقف ایدوکنی بیان ایتمکله مع القسم لسان ترجمانی تعیین قلنان مکتب حقوق شاهانه مأذونیت صنفی طلبهسندن یکرمی بش یاشنده آستانه لی یورکی افندی معرفتیه اشهاد اولندقد برکون طولاب درهسی جادهسندن مروری ائشاده مدعیه ردوتیایی مجروحه کوردیکی و مزبوردهنک زوجی یورکی طرفندن جرح ایدلش اولدینقی افواه ناسدن ایتدیکینی و فقط متهمک زوجهسی اوریرایکن کورمیدیکینی سولیکله استطاقامهسندده بر اقشام ساعت بر راده لرند یورکی زقاقده اوج کشی ایله قولنشمقدده ایکن زوجهسی ردوتیا کچدیکی صرهدده متهم یورکینک بیجانی چکوب اورمقی ایستمسیره ردوتیانک قاچش ایسدهه متهم مزبوردهی بش اون آدمی قوغلا یورق اوموزینک صاغ طرفندن اوردینقی و بردها اورمقی تشبثده بولمش ایسدهه ممانت اولمغله اورمیدینقی کوردیکی مین بولندیندن لسان ترجمانی معرفتیه اشباو افادهسی افهام و طوغری سی سولسی اخطار اولندقدده افاده سابقهسندده اصرار ایتمکله دوشونمسی ضمنتده سالوندن خارجه چیقارلدی .

باباس کورپرسندده مکتب اتصالده کی خانهده ساکن اولدینقی و حلالق ایتدیکنی بیان ایدن یکرمی بش یاشنده آستانه لی فرنکول و لدماردیروس بر اقشام طولاب درهسی جادهسندده آبدست بوزمقدده ایکن زقاق ایچروسندده برکورلی اولمغله و باقدینغه غلبهک کورمکله سؤالنده یورکی قاریسی اوردی دیدکری و متهم یورکینک دخی کورلی اولان محله طرمقدده و زوجهسی ردوتیا دخی باغره رق قوشمقدده و متهم یورکینک النده چاقی به بکر برشیک بولنمقدده اولدینقی مشاهده ایتدیکنی افاده مضبوطه استطاقیهسنة موافق صورتده تذکار ایلدی .

سالوندن خارجه چیقارلش اولان شاهد آندرقو تکرار حضور محکمهیه چیقاریله رق نه دیه چکی لسان

ترجمانی معرفتیه تکرار صورلدقدده افاده مضبوطه استطاقیهسک طوغری اولدینقی سولیدی .

شهود مستمعنک شهادتی ختامه ایردیکه ذات و شهادت لری نه قارشو نه دیه چکی متهم یورکینک لسان ترجمانی و ساططیه صورلدقدده انکارنده اصرار ایلدی .

حقوق عمومیه شهودندن یکیشمدره سودچینک اوزرنده کی خانهده ساکنه قوندره جی علقونک زوجهسی یکرمی یاشنده آستانه لی بنت یورکینک زوجی ایله برلکده پروریه کیتدکری جلبنامهسی زیرنده کی شرحدن اکلاشلمغله و پرورمهک هانکی قریه و محله سندده بولندقلری غیر معلوم اولمغله معاون مومی الیهک طایب وجهله افاده مضبوطه استطاقیهسک قرأتی قرار کیر اوله رق بالتفهم او قوتدیرلقدده بر اقشام ساعت بر ییچ راده لرند قائم والدهسک خانهسندن عودت ایتمکده ایکن یولده برکورلی و بر غلبهک حادث اولمغله باقدینغه ردوتیانک اورلش و اطرافه غلبهکک طویلا نیش اولدینقی کوردرک سؤالنده مزبوردهنک زوجی طرفندن جرح ایلدیکنی سولیکری و بر شخصک النده دخی بیچق بولوب دیگر بر طولوبه چینک دخی شخص مرقومک النده کی بیجانی آلمه اوغراشدینقی کوردیکی مشعر ایدوکی مفهوم اولدی .

(بقیهسی کله چک نسخه به)

الاعانات

درسعادت منایت حکم سنده :

اوجیوز یکرمی اوج سنه سی تشرین اولنک التیجی کونی غلطده طرفاز قاغنده دسپانک خانهسندده روزدهی جرح ایتدیکنی ادعاسیله متهم اولوب حال فرارده بولنان قیصه بویلی ، اسمر بکری ، قره بیق و قاشلی یکرمی ایکی یاشنده غلطده قپو ایچنده ایرانی اغا بکک قهوه خانهسندده چراقلی ایدن ایرانی حسین بن محمد در دست ایدیه مامش اولدینندن تاریخندن اعتباراً جانب ریاستدن کندوسنه مجدداً اون کون مهل اعطا قلمشدر مهل معین طرفنده مرقوم محکمهیه کیدیکي حلاله قانونه اطاعت ایتماش نظریله باقیله رق حقوق مدنیهدن اسقاط قلنجی و علینده دعوایه قیام اولنجی و محاکمه غیایهسی ائشاده اموالنک جز آلتنه آلهسجی و بوصرده برکونه ادعایه حتی اوله میه جنی و بالجله ضابطه عدلیه مأمورلرنک کندوسنی طومغه مجبور بولندقلری کی معاملات جزیه حقتده دخی مدعی عمومیکه تبلیغات مقضیه اجرا ایلدیکنی جهته اصول محاکمات جزایه

قانونک اوجیوز یتش برنجی و اوجیوز یتش ایکنجی ماده لرندن استنباط اولنان احکامه توفیقاً اشبو قرارنامه بالتظلم اعلان اولنور .

قوان تجارت حکم سنده :

قوالدهه فسجیلک و قالجیلک ایدن کورکی نیقوله غودانک ۲۸ کانون اول سنه ۳۲۳ تاریخندن اعتباراً اعلان افلاسنه و مصالح افلاسیه نکر رؤیت و تسویسی ضمنتده اعضای محکمه دن فرهادافندینک ژورقومیسر و دعوی وکیللرندن خریستاک زلفریدی افندینک موقت سندیک تمینلرینه و مغازمه سیله اشیا زانده بیتیهسک تمهرینه و اوراق و دفاترینک جلبه و کفالت مصدقه اراهه ایده مدیکي تقدیرده حبس و توقیفه و بوباده کی قرارک موقتاً اجراسنه قواله تجارت محکمهسندجه قرار ویرلش اولدینندن قانوننامه تجارتک ۱۷۰ نجی مادهسی موجبجه دائمی سندیکلر انتخاب اولنقی اوزره اشبو ۳۲۴ سنهسی مایسنک اوجنجی کونی ساعت درت راده لرندده احباب مطلوبک محکمه مذکوردهنک مصالح افلاسیه رؤیتده مخصوص اوطهسنة کلری اعلان اولنور .

قوالدهه مانفاطوره جیلک ایدن یوسف لونک ۱ نیشان سنه ۳۲۴ تاریخندن اعتباراً اعلان افلاسنه و مصالح افلاسیهسک رؤیت و تسویسی ضمنتده اعضای محکمه دن اساطی حیوانی افندینک ژورقومیسر و دعوی وکیللرندن پروات و تجارندن لیا هو نامیاس افندیلرک موقت سندیک تمینلرینه و مغازمه سیله اشیا زانده بیتیهسک تمهرینه و اوراق و دفاترینک جلبه و کفالت مصدقه اراهه ایده مدیکي تقدیرده حبس و توقیفه و بوباده کی قرارک موقتاً اجراسنه قواله تجارت محکمهسندجه قرار ویرلش اولدینندن قانوننامه تجارتک ۱۷۰ نجی مادهسی موجبجه دائمی سندیکلر انتخاب اولنقی اوزره اشبو ۳۲۴ سنهسی مایسنک برنجی بختینه کونی ساعت درت راده لرندده احباب مطلوبک محکمه مذکوردهنک مصالح افلاسیه رؤیتده مخصوص اوطهسنة کلری اعلان اولنور .

آلمه تجارت حکم سنده :

آطندهه چارسوی کیرده اوقه مالی تجارتیه مشغول ترزیان قره بتک ۱۷ نیشان سنه ۳۲۴ تاریخندن اعتباراً اعلان افلاسنه و مصالح افلاسیه نکر رؤیت و تسویسی ضمنتده اعضای محکمه دن رفعلو افندینک ژورقومیسر و دعوی وکیللرندن محمود ندیم افندینک موقت سندیک تمینلرینه و مغازمه سیله اشیا زانده بیتیهسک تمهرینه و اوراق و دفاترینک جلبه

ارضروم تجارت حکم سنده :

ارضرومدهه عربکرل چارسوسندده مقیم ترزی لاینجیان قره بتک ۳۲۴ سنهسی شهرنیشانی اونندن اعتباراً موقتاً اعلان افلاسنه و مبدأ عجزی نیشانک برنجی کونندن اعتبار ایدلسنه و مصالح افلاسیه نکر رؤیت و تسویسی ضمنتده اعضای محکمه دن حافظ خورشید افندینک ژورقومیسر و دعوی وکیللرندن فلبوس افندینک موقت سندیک تمینلرینه و مغازمه سیله اشیا زانده بیتیهسک تمهرینه و اوراق و دفاترینک جلبه و کفالت معتبره اراهه ایده مدیکي تقدیرده حبس و توقیفه و بوباده کی قرارک موقتاً اجراسنه ارضروم تجارت محکمهسندجه قرار ویرلش اولدینندن قانوننامه تجارتک ۱۷۰ نجی مادهسی موجبجه دائمی سندیکلر انتخاب اولنقی اوزره [۱ مایس سنه ۳۲۴] بختینه کونی ساعت یدی راده لرندده احباب مطلوبک محکمه مذکوردهنک مصالح افلاسیه رؤیتده مخصوص اوطهسنة کلری اعلان اولنور .

قلعه سلطانیه بدایت محکمهسی اصرا دائرهسندده

دردار جامع شریفنه با اعلام مدیون بولنان قره جه ویران قرهسندده مقیم ادریس اوغلی محمدعلینک قریه مذکوردهه واقع معلوم الحدود محجوز ایکی قطعه ترلاسی بالمزایده التیوز طقسار بر غروش بدل مقابلنده طالی عهدهسندده قالمش و قرارداددهسی کشیده قلمش اولدینندن تاریخ اعلاندن اعتباراً اوتوز برکون ظرفنده یوزده بش ضم ایله احاله قطعیهسی اجرا اولنجی قلعه سلطانیه سنجانی بدایت محکمهسی اجرا دائرهسندن اعلان اولنور .

اؤمید سنانی بدایت محکمهسی اصرا دائرهسندده :

آطه بازارلی اساعیل و ادهم افندیلرک محمد سامی بک ذمتنده آله جقاری اولان مبالغ معلومهک تأمین استیفاسی ایچون مدیون مومی الیهک اذمیدهه تعلبور چارسوسندده کان جانب یتیمی تنکجی قره بت دکانی یساری صاحب سند دکانی آرقه و جبههسی یول ایله محدود بر باب قهوه خانه وینه موقع مزبورده واقع جانب یتیمی تعلبور امین بک دکانی یساری تلفراف مدیری حسن افندی ورنهسی دکانی آرقه و جبههسی یول ایله محدود بر باب نصف طوغرامه جی دکانک حجز و فروختی قرارلشدیرلش اولدینندن تاریخ اعلاندن اعتباراً اون بش کون صوکره بالمزایده فروخت اولنجی اؤمید سنجانی بدایت محکمهسی اجرا دائرهسندن اعلان اولنور .

تکفورطانی سنجانی بدایت محکمه سی اجرا دائره سندن :

نوعی اولک دونم	باب	نومرو	موقعی	اطراف اربعه سی
خانه . . .	۱	۶۱	حکومت جاده سی	رقم ابوابه متوجهاً جانب یمنی عجم محمداً جانب یساری نساجی خانه سی وجهه سی حکومت جاده سیله محدود
» . . .	۱	۳۳	چشمه جوارنده	رقم ابوابه متوجهاً جانب یمنی صاحب سند عرصه سی یساری چوماق احمداً خانه و باغچه سی ظهیری ایچی حاجی امین افندی خانه سی جبهه سی طریق ایله محدود
» . . .	۱	۱۳	مدان جاده سنده	رقم ابوابه متوجهاً جانب یمنی متوفی بها بک ورنه سی خانه سی یساری رسومات قوجلیسی صالح افندیکن خانه سیله قادر یحناک وقف دکان جبهه سی طریق عام ظهیری اسکی بلدیله باغچه سیله محدود شرقاً آشکت حسین اغانک ترلاسی غرباً و جنوباً محمد بک زاده طیب بک ترلاسی شمالاً یول ایله محدود
ترلا . . .	۷۷	۰	کمرچی قیوسنده	» قائل متوفی اسماعیل اغا ورنه سی ترلاسی غرباً صاحب سند ترلاسی جنوباً جاده ایله شمالاً کمرچی یولیه محدود
» . . .	۱۵۴	۱	»	»
» . . .	۶	۱	قنچی چشمه سنده	شرقاً یول وحسن چاوش غرباً دره جنوباً بلدیله قومیسر اسبقی حسن افندیکن بقده سی شمالاً مرقوم حسن چاوشک قائم والد سندن ترلاسیله محدود
» . . .	۵	۲	اووزلی مصلاق قارشوسنده	شرقاً بلدیله قومیسری ابراهیم بک باغی غرباً یول جنوباً صاحب سند ترلاسی شمالاً مرانغوز حسن اغانک ترلاسیله محدود
» . . .	۹	۳	»	شرقاً ذهنی زاده حاجی خلیل افندیکن باغی غرباً جاده جنوباً صاحب سند ترلاسی شمالاً قوری رجیک بغده سیله محدود
» . . .	۷	۱	قارلغک آلتندکی نعته کورینک اوستنده	شرقاً یول و یحیی افندی زاده احمد افندی ترلاسی غرباً شوسه جاده سی جنوباً متوفی محمود افندی ترلاسی شمالاً لیلیجینک محمد و قرا کلغک محمود ترلاسیله محدود
» . . .	۲	۱	»	شرقاً غرباً قول اغاسی متوفی ابراهیم افندیکن ورنه سی ترلاسی جنوباً قرا کلغک محمود ترلاسی شمالاً اغریبوزلی طوسون اغا زاده یوسف افندیکن خانه سیله محدود
» . . .	۱۰	۰	نصفی باغ و نصفی ترلا	شرقاً نفوس کاتبی حسنی افندیکن باغی غرباً قانی جاده سی جنوباً اغریبوزی عابدین افندیکن باغی شمالاً قرا کلغک عثمان افندیکن انشته سی باغیه محدود
ترلا . . .	۳۰	۰	استانبول یالی قولنده	شرقاً وارک اوغلی استپان غرباً پکلی مانوق شمالاً یول جنوباً پاندیا ولب دریا ایله محدود
» . . .	۱۲	۰	»	» پاندیانک ترلاسی غرباً ناظر اوغلی ترلاسی شمالاً دکن بولی جنوباً اتلی بایری جاده سیله محدود
» . . .	۴۳	۰	»	» طیبک علی غرباً صاحب سند ترلاسی شمالاً طیبک علی جنوباً اینجیری ترلا ایله محدود
» . . .	۳	۰	»	» طریق غرباً صاحب سند ترلاسی ایله طیبک علی شمالاً اتلی بایری جاده سی جنوباً دیکن یولیه محدود
مغازه . . .	ذراع کوز ۶۳	۱	۷	رقم ابوابه متوجهاً جانب یمنی ماتی عرصه سی یساری شریف بک ورنه سی ظهیری محمد بک ورنه سی جبهه سی تیمور خانی حولیسی ایله محدود
ترلا . . .	۲۷۱	۱	۰	شرقاً علی بک غرباً طیب بک جنوباً کرچچک کولی شمالاً مقصودی یولی ایله محدود
» . . .	۳۶	۲	۰	» قره اوایی قصاب حاجی ممش غرباً امین بک شمالاً یول جنوباً علی بک ترلاسیله محدود
» . . .	۳۶	۲	۰	» اسکی چتاغی غرباً عارف پاشا ورنه سی جنوباً دره شمالاً چتاغ ایله محدود
» . . .	۱۸	۲	۰	» حاجی اوغلی حسن اغا غرباً یول جنوباً امین بک شمالاً چتاغ ایله محدود
» . . .	۲۴۶	۲	۰	» مقصودی یقه سنده » مقصودی سواد ی غرباً یول شمالاً اسکی چتاغی باشی جنوباً حاجی قصاب ترلاسیله محدود
» . . .	۱۴۰	۳	۰	» تکفورطانی جاده سی غرباً قوری و جنوباً کوسه الیاس چفتلکی ترلاسی شمالاً چتاغ و یول ایله محدود
» . . .	۴۶	۰	۰	» یول غرباً کوسه الیاسلی تیمو شمالاً کوسه الیاسلی جانو جنوباً بقله چتاغی ایله محدود
» . . .	۳۰	۲	۰	» دره غرباً چفتلک چایری شمالاً طیب بک جنوباً استانبول جاده سی ایله محدود
» . . .	۱۵۵	۳	۰	» طیب بک غرباً علی بک شمالاً چفتلک چایری جنوباً استانبول جاده سی ایله محدود
» . . .	۲۴	۰	۰	» طرق غرباً دره شمالاً جاده جنوباً علی بک ترلاسیله محدود
» . . .	۱۲۰	۰	۰	» عمر افندی غرباً دره شمالاً طیب بک جنوباً عمر افندی ایله محدود
» . . .	۶۸	۰	۰	» عمر افندی و علی بک غرباً حسن اغا دره سی علی بک جنوباً امین بک شمالاً جاده ایله محدود
باغچه . . .	۳۲	۰	۰	» علی بک غرباً قواد بک چایری شمالاً علی بک ترلاسیله محدود
ترلا . . .	۹۳۶	۰	۰	» مقصودی به کیدن یول واسکی چتاغی غرباً ینه یول و علی اغا و دره جنوباً مقصودی قریه سندن باش آغیلی شمالاً صرت ایله محدود

عمر بک زاده رفعتلو قواد بک جهت اعشاردن خزینئه جلیله به بوری اولان اوتوز التییک اوچیوز کسور غروشک تأمین استیفاسی ضمنده میر مومی الیهک خزینئه وکیلی طرفندن جز آلتئه آلتش اولان بالاده محرر اموال غیر منقوله سی اشبو اعلان تاریخندن اعتباراً اون بش کون صوکره بالمزاید فروخت ایدیله جکندن اشترایه طالب اولانلرک تکفورطانی سنجانی بدایت محکمه سی اجرا دائره سندن مراجعت ایلمری اعلان اولنور .